

21.06.2026

**Тропарь воскресный, глас 2:**

Егда́ снизше́л еси́ к сме́рти, Животе́ Безсме́ртный, / тогда́ адъ умертви́л еси́ блиста́нием Божества́: / егда́ же и умерши́я от преиспо́дних воскреси́л еси́, / вся́ си́лы небе́сныя взыва́ху: / Жизнода́вче, Христе́ Бо́же на́ш, сла́ва Тебе́.

**Тропарь, глас 4:**

Правило веры и образ кротости, / воздержания учителя / яви ты стаду твоему / Яже вещей Истина. / Сего ради стяжал еси смирением величие, / нищетою богатая, / отче священноначальниче Николае, / моли Христа Бога, / спасися душам нашим.

**Тропарь вмч. Феодора Стратилата, глас 4:**

Воинствослóвием и́стинным, страстоте́рпче, / Небе́снаго Царя́ воево́да предоб́рый был еси́, Феодоре: / ору́жиями бо ве́ры ополчи́лся еси́ му́дренно, / и победи́л еси́ де́монов полки́, / и победоно́сный яви́лся еси́ страда́лец. / Те́мже ты ве́рою / при́сно ублажа́ем.

**Кондак воскресный, глас 2:**

Воскрéсл еси́ от грóба, Всеси́льне Спа́се, / и адъ ви́дев чу́до, ужасéся, / и ме́ртвии воста́ша; / тва́рь же ви́дящи сра́дуется Тебе́, / и Ада́м свеселíтся, / и ми́р, Спа́се мо́й, воспева́ет Тя́ при́сно.

**Кондак, глас 3:**

В Мирех, святе, священнодействитель показался еси, / Христово бо, преподобне, Евангелие исполнив, / положил еси душу твою о людех твоих / и спасл еси неповинныя от смерти. / Сего ради освятился еси, / яко великий таинник Божия благодати.

**Сла́ва Отцу́, и Сы́ну, и Свято́му Ду́ху.**

**Кондак вмч. Феодора Стратилата, глас 2:**

Му́жеством души́ в ве́ру оболкíйся / и глаго́л Бо́жий, áки копиé, в ру́ку взем, врага́ победи́л еси́, / му́чеников превéлий Феодоре, / с ними́ Христу́ Бо́гу моля́ся не престáй о всех нас.

**И ныне, и присно, и во веки веков. Аминь.**

**Кондак Пресвятой Богородице, глас 6:**

Предстательство христиан непостыдное,/ ходатайство ко Творцу  
непреложное,/ не презри грешных молений гласы,/ но предвари, яко  
Благая, на помощь нас,/ верно зовущих Ти:/ ускори на молитву и  
потщися на умоление,// предстательствующи присно, Богородице,  
чтущих Тя.

---

**Прокимен, глас 2:** Крепость моя и пение мое Господь, / и бысть мне во  
спасение.

**Прокимен, глас 7:** Возвеселится праведник о Господе, / и уповает на  
Него.

**Причастен:** Хвалите Господа с Небес, хвалите Его в Вышних.  
В память вечную будет праведник, от слуха зла не убоится.  
Аллилуиа. Аллилуиа. Аллилуиа.